

## 1.1. INTRODUCTION

Aliu chalad dinbambo hai wakhon (Sound) ne. Sijeng niu chalad kati subo hai pakhon gasu kati suwe. Chamai khon lamga katibo tu phonetics and phonology chiu kuwe. Chalad khat katibo ga wiibo lad ga de-de khon bam lo chiu phiu pad raiye. Haibo khon phiu padbo hai pazai bamme. Chalad ga siamthubo khatdi paramba pad suibo khon situ Phoneme tiu kuwe. English ga phui sai /pit/ nai /bit/ ga, /p/ nai /b/ si Phoneme ye, khatdi German ga phuisai /kunst/ ‘art’ nai /gunst/ ‘favour’ ga, /k/ nai /g/ si Phoneme ye. English gu Vowel gasai /pit/ nai /put/ ga /i/ nai /u/ si Phoneme ye. Pariga English nai German gu chalad keng dung pikhai bambo si phui mui sai chakhon khat kalibo sai suiuiu paramba di kaliye. Haikumbo chalad keng dung, chakhon khat kali sai paramba di kalibo dung tu Minimal Pairs chiu kuwe. Haitiuuiu chalad khat ga chakhon de-de bam lo chiu sira haikumbo Minimal Pairs keng phiu pad ra pageng bamme. Chalad hina haibo zai alilu chakhon katiye.

Sikumjiu Lianglad di pakhon (Phoneme) dejiu bamlo chiubo si ra pageng bamme. Sironna makjiu Lianglad katibo ga haibo khon ga mangiuh khaiuiu kati ra pageng bamme. Aliu Liangkhon ga phui sai /pak/ ‘run’ nai /bak/ ‘groin’ ga /p/ nai /b/ haisi Phoneme ye. Vowel khon gasai /rit/ ‘heavy’ nai /rat/ ‘tie’ ga /i/ nai /a/ si Phoneme ye. Chakhon hai Consonant khatdi Vowel chiuuiu palang khaii patle. Haibo Minimal Pairs gu pazai thin luuiu aliu Lianglad ga Phoneme (chakhon), Consonant bi di Vowel bi di, dejiu bam lo chiu phui ncham khe.